

Član 16.

(Inspekcijski nadzor nad implementacijom poticajnih sredstava)

- (1) Inspekcijski nadzor nad implementacijom poticajnih sredstava vrši kantonalni tržišni inspektor.
- (2) Zadatak inspektora je da u postupku nadzora iz stava (1) ovog člana, kontinuirano prati utrošak finansijskih sredstava od strane korisnika poticajnih sredstava i izvršenje drugih preuzetih obaveza, u cilju pravilnog provođenja Zakona, ovog pravilnika, Ugovora i drugih akata koji se odnose na provođenje Programa.
- (3) Subjekt nadzora dužan je omogućiti inspektoru vršenje inspekcijskog nadzora, uvid u dokumentaciju, dati mu sva potrebna obavještenja i podatke koji se odnose na implementaciju poticajnih sredstava.
- (4) Ako se u postupku inspekcijskog nadzora utvrdi da je došlo do povrede Zakona, propisa donesenih za njegovo provođenje i odredbi Ugovora, inspektor će rješenjem korisniku poticajnih sredstava naložiti slijedeće:
 - a) otklanjanje nedostataka utvrđenih u postupku nadzora i odrediti rok za njihovo otklanjanje, ako utvrdi nedostatke iz člana 15. stav (1) tač. b), c) i d) Zakona i
 - b) povrat vrijednosti dodijeljenih sredstava, ako utvrdi nedostatke iz člana 15. stav (1) tačka a) Zakona.
- (5) Protiv rješenja inspektora iz stava (4) ovog člana može se izjaviti žalba u roku od 15 dana od dana prijema rješenja.
- (6) O žalbi iz stava (5) ovog člana rješava Ministarstvo.
- (7) Ministarstvo je dužno donijeti rješenje, u roku od 30 dana od dana prijema žalbe, koje je konačan upravni akt, a protiv kojeg se može pokrenuti upravni spor kod Kantonalnog suda u Sarajevu.

Član 17.

(Ovlaštenje za podnošenje prijave za pokretanje prekršajnog postupka)

Ovlaštenje za podnošenje prijave za pokretanje prekršajnog postupka, protiv korisnika poticajnih sredstava, iz Zakonom utvrđenih razloga, imaju ovlaštene osobe Ministarstva i Ministarstva finansija, kao i nadležni inspektor koji je u nadzoru utvrdio povredu odredbi Zakona, ovog pravilnika i/ili Ugovora.

Član 18.

(Nadzor i izvještaj o izvršenju Godišnjeg plana)

- (1) Ministarstvo nadzire i prati provođenje Programa i Godišnjeg plana, analizira rezultate i izrađuje izvještaje.
- (2) Izvještaj o izvršenju Godišnjeg plana Ministarstvo podnosi Vladi i Skupštini Kantona Sarajevo.

Član 19.

(Prestanak važenja ranijeg propisa)

Danom stupanja na snagu ovog pravilnika prestaje da važi Pravilnik o postupcima u provođenju Programa razvoja male privrede ("Službene novine Kantona Sarajevo", br. 20/21, 25/23, 47/23, 16/24 i 27/24).

Član 20.

(Stupanje na snagu)

Ovaj pravilnik stupa na snagu narednog dana od dana objavljivanja u "Službenim novinama Kantona Sarajevo".

Broj 07-06-02-9849/25

22. aprila 2025. godine

Sarajevo

Ministar

Zlatko Mijatović, s. r.

Ministarstvo finansija Kantona Sarajevo

Na osnovu čl. 56. stav (2) i 66. st. (1) i (2) Zakona o organizaciji organa uprave u Federaciji Bosne i Hercegovine ("Službene novine Federacije BiH", broj 35/05), čl. 38. i 47. Zakona o plaćama i naknadama u organima vlasti Kantona Sarajevo ("Službene novine Kantona Sarajevo", br. 5/19, 40/22 i 6/25) i člana 112. Kolektivnog ugovora za državne službenike i namještenike u organima državne službe Kantona Sarajevo ("Službene novine Kantona Sarajevo", br. 51/23 i 30/24), ministar finansija Kantona Sarajevo donosi

**PRAVILNIK
O IZMJENAMA PRAVILNIKA O PLAĆAMA I
NAKNADAMA DRŽAVNIH SLUŽBENIKA I
NAMJEŠTENIKA MINISTARSTVA FINANSIJA
KANTONA SARAJEVO**

Član 1.

(Izmjena člana 3.)

U Pravilniku o plaćama i naknadama državnih službenika i namještenika Ministarstva finansija Kantona Sarajevo ("Službene novine Kantona Sarajevo", broj 7/23), član 3. mijenja se i glasi:

"Član 3.

(Osnovna plaća)

Osnovna plaća državnih službenika i namještenika utvrđuje se na način propisan Zakonom o plaćama i naknadama u organima vlasti Kantona Sarajevo ("Službene novine Kantona Sarajevo", br. 5/19, 40/22 i 6/25)."

Član 2.

(Izmjena člana 4.)

Član 4. mijenja se i glasi:

"Član 4

(Platni razredi i koeficijenti za državne službenike)

Radna mjesta državnih službenika, razvrstavaju se u platne razrede, a za svaki platni razred utvrđuje se koeficijent za obračun plaće prema slijedećim vrijednostima:

Redni broj	Naziv radnog mjesta	Platni razred	Koeficijent
1.	Sekretar ministarstva	II	6,20
2.	Pomoćnik ministra	III	5,70
3.	Rukovodilac jedinice za internu reviziju	III	5,70
4.	Glavni budžetski inspektor	IV	5,20
5.	Interni revizor	IV	5,20
6.	Rukovodilac unutrašnje organizacione jedinice	VI	4,50
7.	Budžetski inspektor	VII	4,30
8.	Stručni savjetnik	VIII	4,10
9.	Viši stručni saradnik	IX	3,90
10.	Stručni saradnik	X	3,70

Član 3.

(Izmjena člana 8.)

U članu 8. stav (1) mijenja se i glasi:

"(1) Dio plaće koji pripada državnom službeniku i namješteniku po osnovu ocjene rada utvrđuje se kako slijedi:

- a) za ocjenu "izuzetno uspješan"/"naročito uspješan" 5% od osnovne plaće i
- b) za ocjenu "uspješan" 2% od osnovne plaće."

Član 4.

(Izmjena člana 9.)

U članu 9. stav (1) mijenja se i glasi:

"(1) Uvećanje plaće po osnovu posebnih uslova rada iznosi:

- a) za budžetskog inspektora i glavnog budžetskog inspektora iznosi od 20% do 30% od osnovne plaće i
b) za internog revizora i rukovodioca jedinice za internu reviziju 20% od osnovne plaće."

Član 5.

(Izmjena člana 12.)

U članu 12. stav (1) mijenja se i glasi:

- "(1) Državni službenik i namještenik ima pravo na naknadu plaće u punom iznosu za vrijeme privremene spriječenosti za rad (bolovanje) do 42 kalendarska dana."

Član 6.

(Izmjena člana 13.)

Član 13. mijenja se i glasi:

"Član 13.

(Naknada za plaćeno odsustvo)

Državni službenik i namještenik ima pravo na naknadu plaće u punom iznosu za vrijeme plaćenog odsustva."

Član 7.

(Izmjena člana 14.)

Član 14. mijenja se i glasi:

"Član 14.

(Naknada za godišnji odmor)

Državni službenik i namještenik ima pravo na naknadu plaće u punom iznosu za vrijeme godišnjeg odmora."

Član 8.

(Izmjena člana 18.)

Član 18. mijenja se i glasi:

Član 18.

(Naknada za slučaj povrede na radu, teške bolesti i invalidnosti)

- (1) U slučaju povrede na radu, teške bolesti ili invalidnosti državnog službenika i namještenika ili člana njegove uže porodice isplaćuje mu se jednokratna novčana pomoć u visini tri prosječne neto plaće isplaćene u Federaciji Bosne i Hercegovine prema zadnjem objavljenom statističkom podatku.
- (2) Naknada iz stava (1) ovog člana isplaćuje se samo jednom po osnovu iste povrede, iste teške bolesti ili istog invaliditeta.
- (3) Pod teškom bolešću iz stava (1) ovog člana, podrazumijevaju se slijedeće bolesti: akutna tuberkuloza, maligna oboljenja, endemska nefropatija, hirurška intervencija na srcu i mozgu, sve vrste degenerativnih oboljenja centralnog nervnog sustava, infarkt (srčani i moždani), oboljenje mišićnog sustava, paraliza i druge teške bolesti određene općim aktom Federalnog ministarstva zdravstva, kao i teške tjelesne povrede.
- (4) Bolest, odnosno tjelesna povreda ili invalidnost dokazuje se na osnovu nalaza, ocjene i mišljenja Instituta za medicinsko vještačenje zdravstvenog stanja.
- (5) Troškovi zahtjeva za medicinsko vještačenje u svrhu ostvarivanja prava na jednokratnu pomoć snosi državni službenik ili namještenik podnosilac zahtjeva.
- (6) Zahtjev za ostvarivanje prava na jednokratnu pomoć, uz koji se prilaže dokaz o povredi na radu, teškoj bolesti ili invalidnosti, državni službenik ili namještenik podnosi Ministarstvu.
- (7) Članom uže porodice u smislu stava (1) ovog člana smatraju se članovi uže porodice državnog službenika i namještenika kako je propisano u članu 19. stav (4) ovog pravilnika."

Član 9.

(Izmjena člana 21.)

U članu 21. stav (1) mijenja se i glasi:

- "(1) Državni službenik i namještenik ima pravo na otpremninu pri odlasku u penziju u visini svojih šest ostvarenih prosječnih neto plaća isplaćenih u prethodnih šest mjeseci."

Član 10.

(Izmjena člana 25.)

U članu 25. stav (2) riječ: "Odlukom", zamjenjuje se riječju: "Propisom".

Član 11.

(Stupanje na snagu)

Ovaj pravilnik stupa na snagu narednog dana od dana objavljivanja u "Službenim novinama Kantona Sarajevo".

Broj 08-01-02-8764/25

21. aprila 2025. godine

Sarajevo

Ministar

Dr. Afan Kalamujić, s. r.

GRAD SARAJEVO

Gradonačelnik

Na osnovu člana 11. stav (1) i (2) Odluke o izvršavanju Budžeta Grada Sarajeva za 2025. godinu ("Službene novine Kantona Sarajevo", broj 2/25), gradonačelnik Grada Sarajeva donosi

ODLUKU

O PRERASPODJELI SREDSTAVA U BUDŽETU GRADA
SARAJEVA ZA 2025. GODINU

Član 1.

Odobrava se preraspodjela sredstava u Budžetu Grada Sarajeva za 2025. godinu ("Službene novine Kantona Sarajevo", broj 2/25) u ukupnom iznosu od 62.090 KM, kako slijedi:

Potrošačka jedinica	Ekonom. kod	Subanslitika	OPIS	IZVOR 10 BUDŽETSKA SREDSTVA
				IZNOS

Sa ekonomskog koda

10010003	6163	CAA012	Kamate na domaće poza/mljivanje	30.000,00
10010007	6143	GAA011	Dani grada Sarajeva - Javni poziv	27.090,00
10010007	6143	GAA013	Program i projekti za podršku mladima - Javni poziv	5.000,00

UKUPNO:				62.090,00
Potrošačka jedinica	Ekonom. kod		OPIS	IZNOS

Na ekonomske kodove

10010003	6148	CAA011	Povrat više ili pogrešno uplaćenih sredstava	30.000,00
10010007	6142	GA A 005	Stipendiranje učenika srednjih škola	32.090,00
UKUPNO:				62.090,00

Član 2.

Za realizaciju ove Odluke zadužuju se Gradska služba za finansije i Gradska služba za obrazovanje, sport, kulturu i mlade.